

Other document types / Ostale vrste dokumenata

Publication year / Godina izdavanja: **1932**

Permanent link / Trajna poveznica: <https://urn.nsk.hr/urn:nbn:hr:270:390180>

Rights / Prava: [In copyright](#) / [Zaštićeno autorskim pravom.](#)

Download date / Datum preuzimanja: **2025-09-05**

Repository / Repozitorij:

[Croatian Emigrant Press - Repository](#)

Borba protiv Krimin-
alnog Zakona!

Borba protiv 48 sat
radnog vremena!

Borba protiv pri-
silnog rada!

BORBA

Proleter i svih ze-
malja ujedinite se!

Organ borbenih Jugoslavenskih emigranata Australije i New Zealand.

Broj 41.

20 oktobra 1932.

God. II.

OPASNOST IMPERIJALISTIČKOG RATA.

Dnevna kapitalistička štampa je zaposlena sa pitanjem zahvatničke politike Japanskog imperijalizma na Dalekom Istoku. Japanski Imperijalisti su počeli da upotrebljavaju otrovne plinove protiv Kineskog naroda. Sva buržoaska štampa odobrava zahvatničku politiku Mandžurije. Samo sabem se rađame da imperijalisti neće ustati protivu zahvatničke politike imperijalista. Daleki Istok je glavna baza na kojoj imperijalisti mobilizuju sve svoje snage da pripreme rat i intervenciju protiv SSSR, na jednoj strani u Sovjetima i Kine na drugoj strani. Osobito Engleska štampa otvoreno zastupa pravo Japanskog imperijalizma na Mandžuriju. Liga Naroda se potpunome slaže sa zahvatničkom politikom Japanskog imperijalizma. Zahvatnička politika Japana udarila je i Amerikanski imperijalizam, tako da je neizbežan sukob između Amerike i Japana jerse u najvećoj mjeri sudaraju interesi imperijalističkih magnata na Dalekom Istoku na jednoj strani i priprema rata i intervencije protiv SSSR i Sovjetske Kine na drugoj strani.

Udubljavanje sveopće kapitalističke krize zaoštruje suprotnosti u lageru samih imperijalista. Rat se priprema u svima kapitalističkim državama. Engleski imperijalisti su poslali notu Sovjetskom Savezu sa kojom se prekidaju trgovačke veze Engleske sa SSSR, to je otvorena ratna politika krvavih Engleskih imperijalista. Rešiti krizu ni jedna kapitalistička država nije u stanju mirnim putem, kapitalisti traže izlaza iz ovog ekonomskog haosa u ratu, u ratu protiv SSSR koja uspešno izgrađuje socijalizam.

Na drugoj strani veliki uspeh Crvene Armije u Kini izaziva paniku u cijelom kapitalističkom svijetu. Crvena Armija se je snabdela sa modernim Aeroplanima, topovima i strojevima puškama koje je zarobila od neprijateljske vojske, Crvena Armija izvoštava pobjedu za pobjedom. Na osnovi toga imperijalisti svih država su svjesni toga da im dolaze posljednji dani, zato oni mobiliziraju sve snage na Dalekom Istoku da otpočnu rat i intervenciju protiv SSSR i Sovjetske Kine.

Prekidanje trgovačkih odnosa između Engleske i Sovjetskog Saveza otvoreno govori za rat koji najvještavaju Engleski imperijalisti SSSR. Uspešno provođenje petigodišnjeg plana u četiri godine udubljava i zaoštruje suprotnosti između rada i kapitala i dovodi do otvorene oružane borbe u kapitalističkim državama.

Radnici vašta je dužnost da ustanete protiv rata i intervencije kojeg priprema cijeli kapitalistički svijet protiv SSSR i Sovjeta u Kini. Dole sa ratom i intervencijom protiv SSSR i Sovjetske Vlasti u Kini!

REVOLUCIJA U BUGARSKOJ

Po vijestima koje su stigle iz Beča 14 ok. govore da je radni narod Bugarske uspostavio revolucionarnu vladu "Seljaka-radnika i vojnika diktaturu". "Labor Daily" saopštava da je u ovom klasnom ratu ubijeno i ranjeno mnogo osoba. Balkan gori. Nastrag nekoliko dana smo doneli vijesti o ustanku u Jugoslaviji. Otvoreni sukob širokih radnih masa protiv vlada gladi i mizerije zauzima sve veći opseg u svima kapitalističkim državama.

Živela proleterska revolucija Bugarske!
Dole sa vladama gladi i mizerije!
Živela svjetska proleterska revolucija!

BJELOGARDISTI ŠTRAJKOLOMCI

Šanhaj, Kina. - Radnici Omnobusa su izašli na štrajk protiv sniženja nadnica. Izbjeglice iz Rusije bjelogardisti su otpočeli raditi kao štrajkolomci, borbeni kineski radnici su dali otpor bjeloj gardi, nekoliko ih dobro nalemali tako da su ostali u strahu pred batinama napustili posao.

PROTIV SNIŽAVANJA NADNICA - PROTIV 48 SATNOG VREMENA.

Stivensova vlada gladi i mizerije sve više nastupa na uslove rada i života radničke klase. Politika gladne vlade hoće da provede liniju 48 satne nedelje, u N.S.W. Federalna fašistička vlada provela je kriminalni Zakon koji stavlja van zakona sve borbene radničke organizacije, na osnovi tog kriminalnog zakona Stivensova vlada provodi sniženje nadnica i produžuje radno vrijeme do 48 satne nedelje.

Radnici-ce! Svi kao jedan, u redove borbene radničke klase! Protiv Kriminalnog Zakona! Protiv snižavanja nadnica! Protiv produženja radne nedelje! Protiv prisilnog rada! Za slobodu govora, štampa i organizovanja! Dole vladama gladi i mizerije! Živela Sovjetska Australija!

KRVAVA DIKTATURA PRODUŽUJE SA UBIJANJEM

Beograd, 28. avgusta - Vojno-fašistička diktatura uhapsila je metalnog radnika drugu Miletića kojeg muči u Beogradskoj zloglasnoj "Glavnjači". Medjunarodna Crvena Pomoć izdala je proglas na medjunarodni proletarijat, da se sazivaju protestni zborovi, da se spasi drug Miletić iz pandže krvavih dželata vojno-fašističke diktature. Protesti medjunarodnog proletarijata spasiti će drugu Miletića.

Vojno-fašistička diktatura će proglasiti po starom običaju "da je htjeo da bježi i skočio je sa 5 kata". Svi za slobodu drugu Miletića.

POSLEDNJI DANI VOJNO-FAŠISTIČKE DIKTATURE

Poslednje vijesti koje su donile ovdašnje novine govore o kritičkom položaju vojno-fašističke diktature. Udubljavanje speeče ekonomske kapitalističke krize, a specijalno agrarne u Jugoslaviji, osiromašenje radnog naroda grada i sela, neminovno dovodi do oružanih sukoba radnog naroda sa banditima vojno-fašističke diktature. Nečuveni teror i maltretiranje koje se vrši nad radnim narodom grada i sela, nad nacionalnim manjinama, nije u stanju da spreči revolucionarni polet radnih masa. Fašistička diktatura potrpila je poraz u prošlo godišnjoj komediji "izborima", sada je otpočela sa drugim manovrima uspostavu formalnih pokrajinskih vlasti, kao za primjer Zagreb za Hrvatsku, Ljubljana za Sloveniju, Sarajevo za Bosnu i Herceginu. Tim manovrom buržoazija Jugoslavije hoće da spasi vojno-fašističku diktaturu i veliko srpsku monarhiju.

Danas su radne mase grada i sela osjetile takve manovre koje je buržoazija vršila da se učvrsti teror srednjevekovne inkvizicije. Sveopći bojkot izbora prošle godine jasno govori o velikom nezadovoljstvu radnog naroda i nacionalnih manjina. Vojno-fašistička diktatura nije uspjela u provođenju privredne politike. Nasilno oduzima od seljaka poljoprivrednih proizvoda, monopol na žito sve je to potrpilo kraj. Baza vojno-fašističke diktature se svakog dana sužava. Revolucionarni polet grada i sela prisilio je krvavu diktaturu da snimi monopol na žito. 10 oktobra novinske vijesti govore o velikim pobunama seljaka osobito u pasivnim krajevima Dalmacija i Hercegovina. U koje je krvava diktatura otpremila nekoliko hiljada krveloka - žandara. Koji sa bajunetom hrane iznemogle gladne mase pasivnih krajeva. Pod firmom da je Italijanska podmornica dovezla oružje u Liku, kako te novine javljaju da je ista iskrucala oružje između Krlobaga i Jablanca, krvavi ministri fašističke diktature otpremišu vojsku i žandarmeriju da u krvi guše ustanak gladnih seljaka. Sve bajunete, svi načini inkvizitorskog mučenja neće spasiti vojno-fašističku diktaturu, pred oružanim ustankom širokih radnih masa pod vodstvom borbene Komunističke Partije Jugoslavije.

U vezi sa ustankom radnih masa protiv diktature izvršena su velikebrojna hapšenja, na stotine radnika, seljaka, i inteligencije se nalaze u glavnjačama Beograda, Zagreba i drugih gradova. Poslednji dani dolaze krvavičkoj fašističkoj diktaturi.

Komunistička Partija Jugoslavije vodi junačku borbu ne samo protiv diktature, nego i protiv svih buržoaskih partija, za vlast rada, za kruh i slobodu. Sve takozvane opozicione partije - partije buržoazije služe naruku veliko-srpskoj monarhiji i odvlače radne mase od klasne borbe. Jedina je istinska i vjerna borbena partija - Komunistička koja vodi borbu na život i smrt protiv diktature i svih njenih prirepih. Sve ostale partije su partije kapitalista i velezemaljoposjednika.

Borbena Komunistička Partija je uspjela da mobilizuje radne mase u prošlogodnjim izborima u štrajkovima i demonstracijama, seljačkim ustancima, za ekonomske i nacionalno oslobo-

djenje. Komunistička Partija je jedina koja ima ispravnu politiku - politiku radnika i seljaka, politiku nacionalnog oslobođenja. Dolazna vojno-fašistička diktatura! Zave-
la borbena Komunistička Partija Jugoslavije!
Živeo oružani ustanak radnog naroda grada i se-
la pod vodstvom K.P. Jugoslavije!

SNIMITE ZABRANU SA FILME "PETIGODIŠNJI PLAN"

Uspeh provođenja petigošnjeg plana u četiri godine zadao je smrtni strah cijelom kapitalističkom svijetu. Fašistička federalna vlada u strahu pred velikim uspesima radnog naroda zabranila je filmu "Petigodišnji Plan".

Masovni protesti protiv fašističke otvorene diktature snimiti će zabranu nad filmom "Petigodišnji Plan". Svi u borbu protiv fašističke zabrane! Kopiju rezolucija šaljite na prijatelje Sovjetske Rusije, ili na njegove ogranke.

PRIPREMA ZA 7 NOVEMBRA

1917 godine 7 novembra borbena radnička klasa pod vodstvom Partije Vladimira Ilića Lenina razrušila je organ despotizma organ izrabljivanja, organ ugnjetavanja - ruski carizam. Na ruševinama njegovim uspostavljena je Vlast Sovjeta - diktatura proletarijata.

Borbeni proletarijat u savezu sa siromašnim seljaštvom ugošio je unutarnju kontrarevoluciju i dao proleterski otpor vanjskoj intervenciji. Duge godine 1918 - 1921. borba građanskoga rata u kojem su borci sa golim grudima branili mladu Republiku Rada i slobodu. Druga perioda uspostave narodnog gospodarstva - 1921 - 1926. Treća perioda rekonstrukcije svega narodnoga gospodarstva - 1926 - 1928. U 1928. je bio izradjen nacrt PJATILJETKE iz kojeg su se izrugavali svi kapitalistički političari i ekonomski. Diagnoza koju su oni davali petigodišnjem planu je bila: "Boljševička fantazija", "Napredne kapitalističke zemlje nisu u stanju da izvedu taj plan u takvom roku, zaostaloj Rusiji je potrebno 50 godina itd. i tome slično. Dnevna kapitalistička štampa je bila sa takvim "cvečen" okićena.

Odani borci proleterske revolucije u savezu sa siromašnim seljaštvom pod vodstvom Partije Boljševika ispunili su poljoprivredni plan u dve godine, industrija, elektro. zavod i druge u dve i po godine, teška industrija u 3 godine tako u cjelini pjatiljetka se je ispunila u 4 godine. Kolektivizacija seljskih maloposjeda podvođenje industrijske baze u poljoprivredu, položenje fundamenta socijalističke ekonomike likvidacija kulaka - zeleni kao klase. Likvidacija besposlice porast zaradne plate, prelaz sa 8 satnog radnog vremena na 7 satno u rudnicima 6 satno radno vrijeme, poboljšanje ekonomskog u kulturnog života radnog naroda.

Izgradnja nacrtu druge PJATILJETKE u kojoj se likvidiraju svi klasni ostaci. Ovakav nečuveni uspeh kojeg je izveo radni narod pod vodstvom Partije V.I. Lenina, slavi svoju 15 godišnjicu pobjede rada nad izrabljivanjem i ugnjetavanjem. Svi u borbene redove na prolazu petnaest godišnjice proleterske revolucije! Protiv rata i intervencije! Za vlast Sovjeta! Živeo izgradnja bezklasnog socijalističkog društva!

RADNICIMA I RADNICAMA AUSTRALIJE I NEW ZEALAND.

Drugovi i drugarice! Radnici i radnice! Udubljanje sveopće kapitalističke ekonomske krize na jednoj strani i burni porast svega narodnoga gospodarstva u radničkoj otadžbini Savezu Socijalističkih Sovjetskih Republika na drugoj strani, dovodi do više forme klasne borbe- oružanog ustanka u svima kapitalističkim državama. Svjetska buržoazija manovriše na različite načine da bi produljila život trulom kapitalističkom poretku.

Vojno-fašistička diktatura Aleksandra Poslednjeg preko svojih plaćenih i neplaćenih agenata poduzima sve mjere da bi izrabljene i obespravljene radne mase odvučla od klasne borbe da ih i dalje pljačka i ugnjatava. Preko svojih vjernih slugana ona je izdala u West Australiji fašistički časopi "Dom i Svijet", tobož "van politički" kao i posljednji izbori krvave diktature, i "Van stranački" kao njena vlada. Dobro poznati radnom narodu Westa Marić trgovac i špekulant, nije imao odlučnosti da pokrene fašističku reviju, zato je najmio dobro poznatog još u starom kraju orjunaša Ivana Bilića, a ovdje špekulanta i varalicu radnika koji su dolazili sa njime u ma kakav posao.

Mi dobro poznamo gospodu Bilića, Marića i ostalu gamad, zato ćemo da iznesemo pred radne mase diljem ove zemlje i gdje god dopire naš borbeni list, da se čuvaju otvoreni javnih agenata sadističke krvave diktature.

Ivan Bilić, je bio premješten iz rodno mu mjesta Lovrinca u Split da se uču na račun kako to orjunaši kažu - države, da bome za rad koji je davao krvavoj diktaturi. To još nije sve, on je imao dobre odnose sa hajdukom Andrijom Simićem, pod zaštitom njegove kabani ce Bilić je bio financiran kao član orjune. Taj isti Bilić je prevario i Jozu Bilića samo za £.300. (Tri stotine funti) i proglasio da je bankrotirao. Varao je, harao je gdje god je mogao da kojeg opljačka. I evoga sada opet u javnosti pljačke, na jednoj strani i zaglu pljivanja radnog naroda u ovoj zemlji sa svojim fašističkim časopisom. Taj propalica uzeo je nase ulogu krvavih jugoslavenskih ministara, i proglasio je svoj SVASTAPIS "van politike" i "van stranaka".

Moželi biti većeg hipokritizma i licumjerstva nego što je izjava I. Bilića da njegov (čitaj diktature) časopis je "van politike" Klasno društvo u kojem su izrabljivači i izrabljeni, ugnjetavači i ugnjeteni, moželi da bude što u tom društvenom poretku "van politike" i "van stranaka"? Da bome da ne! To je po primjeru vojno-fašističke diktature, "van politički" i "van stranačko". Bilić koji nema probijene pare otpočima da izdaje u ovom ekonomskom haosu časopis, okle finacije? okle pomoć? To mora da bude jasno svakom onom kojem vrane nisu isključivale mozak, da su tu za ledja ministarstva vanjskih posala krvave fašističke diktature,

Radnici, radnice, izrabljeni i obespravljeni vaša je proleterska dužnost da bojkotujete tu plaćenu gamad vojno-fašističke diktature i njeno oficijalno trovilo. Borbeni radnici na svom zboru u Melbourne dižu svoj radnički protest protiv Bilića, Marića & Co. U-

vjereni smo da će se i ostali radnici i radnice pridružiti našem proleterskom glasu. Bojkotovat sve što služi aparatu krvave diktature koja teroriše naše drugove, naše roditelje, našu braću i sestre, naše rođjake i prijatelje, naš radni narod grad i sela.

Radnička klasa nije zaboravila brutalnog umorstva naših vjernih drugova sa strane orjune koje je bio član Bilić. Nije zaboravila krvavog čina - Trbovlje gdje je bio umoren drug Fakin, nije zaboravila umorstva Ljubice Ljubičić, nije zaboravila umorstva druga Stanka, radnička klasa nije zaboravila drugova: Djakovića, Mišića, Manganovića, braće Oreški, Popovića, suljgina, Bracana Bracanovića, Debeljaka i stotine ostalih sinova radnika i seljaka koje je umorila orjuna vojno-fašističke diktature. I još taj orjunaš izlazi sa svojom fašističkom golotinjom da zavarava radni narod. Mi borbeni radnici odgovaramo tom lakeju vojno-fašističke diktature, da radnička klasa prezire njega i njegovu krvavu diktaturu! Nikakve pomoći tom crnom gavranu! Bojkot fašističkom "Dom-u i Svijet-u"! Dole fašistička štampa! Dole vojno-fašistička diktatura! Da žive solidarnost borbenih radnika! Da žive Komunistička Partija! Da žive međunarodna proleterska revolucija!

Grupa borbenih radnika Melbourne, Victoria.

LICUMJERNO RAZORUŽANJE

Federalna fašistička vlada oduzima posljednju koru kruha radnom narodu, kako uposlenom tako i besposlenom a povećava ratni budžet i priprema se za imperijalistički rat. Večernja novina donosi sledeće vijesti: "Mi se nalazimo svakog dana u opasnosti da Sydney i Harbor Most bude razrušen, Melbourne je već bio bombardovan amunicija se priprema, neprijatelj hoće da razruši snobračaj i da poruši most preko Murray i. t. d.". Ovo je poslije tih svih mirovnih konferencija o "razoružanju". Svjetski imperijalisti traže izlaza iz ovog ekonomskog kaosa u ratu, u poniženju radničkih nadnica, u prisilnom radu jednom rječju hoće da svale sve težine krize na ledja radnog izrabljenog naroda. Fašistička federalna vlada priprema društveno mišljenje da se poveća mornarica, avijatica, i čak altelerija. Da će "neprijatelj" napasti Suecki Kanal i da će ovojiti West Australiju, koja nema mnogo vojske. To znači da je potrebno sa njihove strane da na svakagdišnognoynikavpostavi jednu bajunetu po Jugoslavenskom fašističkom metodu. Sada može da svakom radnike i radnici bude jasno zašto altelerija Federalnoj vladi? Za gušenje radničkih ustanka!

Povećanje mornarice, topova i ranih sartonosnih plinova i vojske potrebno je fašističkoj upravi da teroriše radničke pobune i da u savezu sa ostalim imperijalističkim svijetom udari protiv Sovjetskog Saveza i pobedonosne Crvene Vojske u Kini. Sve imperijalističke države mobilizuju sve svoje snage, pripremaju rat i intervenciju protiv SSSR. i Sovjetske Kine.

Odgovor krvavica imperijalizma mora da bude Dole sa ratom i intervencijom protiv SSSR i Sovjeta u Kini! Ni jedne pene na ratne svrhe! Za povećanje radničkog osiguravanja! Za povećanje besposleničke pomoći! Protiv snižavanja nadnica! Rat ratu!

Proleter..

IZ PUTA ZA EUROPU

Colombo 7 septembra 1932. - Na 29. augusta sam ostavio Fremantle, W.A. držim za potrebnim da se javim mojim drugovima što sam doživio za ovo kratko vrijeme poslije našeg drugarskog rastanka. Na ovom brodu kao i na svakom koji putuje za Europu uvijek ima po nekoliko crnih mantijaša, tako je bio i ovaj brod nadaren sa njima. Prva nedelja koja je bila popo se zauzeo za svoj stari posao i po čeo da vreba svoje vjernike, ali na žalost njegovu takovih se nije našlo na ovom brodu. Nekoliko stotina putnika koji su se nalazili na brodu ma ni jedan nije išao u crkvu koju je priredio crni mantijaš. Popo se je našao sam samcat, vapoći po običaju, ali bez svakog uspjeha. Ta je nedelja prošla za crnog mantijaša velikim porazom, lupanje valova - talasa se je povećavalo svakog dana, sve do doba dok je popo izgubio ravnotežu. Božji slugan je pao u nesvijest i doktoriga proglašio da je poludio. Sigurno se je nešto moralo sa njime dogoditi kada su ga u Colombo, Indija prevezli u bolničkim kolima u bolnicu.

Poslije kako sam već podvukao kad je popo prestao da funkcionise talasi se umiriše da je bila divota putovati po lijepom vremenu kao što je bilo na našem putovanju. Nemislim ja time da kažem da je bio uzrok veliko ljuljanje broda što se je popo na istom nalazio Valovi i talasi imaju svoje prirodne vrline oni se odnose bez razlike bogomoljcima ili bezbožnicima. Mnogi od putnika su se pitali poslije kako je doktor proglasio da je popo poludio, "Kako to može biti, da je milostivi bog kaznio svojeg vjernog pastira". Naravno mnogi popovi i mnoge vjere propovjedaju nadu da se moli a da ne ide k doktoru, ovaj slučaj je ubijedio mnoge koji su još sumnjali, da religija nije ništa drugo nego za bluda. Ja nisam sumnjao u to jer sam se tim pitanjem na čistu već duže vremena. Ali ovo je jedna karakterna crta koja mora da ubijedi najvećeg fanatičara da sila o kojoj govore ti božji zastupnici nije ništa drugo, nego sila prirode, koja kažnjava sve bez razlike vjere i narodnosti. Bog sa time nema ništa kao ni kovač sa lancima. Tu je druga sila pri razloga, koju je čovjek iskorišćavao i iskorišćuje je za dobro biti cijelog čovječanstva.

Za društvo bi bilo od velike koristi da se pošalje sve mantijaše u ludnicu, a mjesto crne mantijaške nauke da se djeca i odrasli uče i izučavaju ostale grane nauke i tehnike.

Vaš drug putnik M.B.

PODLA ULOGA ČLANOVA FAŠISTIČKOG KLUBA

Sydney, 6 oktobra 1932. - Neorganizovani robovi u radnji Karasa & Co. pobunili su se. Kada radnici došli u radnju 6 oktobra našli su na nove Ukaze koje je administracija povjerala u radnji: "Nesme se govoriti" i "Nesme se pušiti". Neorganizovani radnici su revol- tirali na nove depresije sa strane eksploata- tora Karasa & Co, i ostavili su posao u 5 sa- ti i 30 minuta tog dana. U ovoj radnji se radila 8 sati, nego od 9 pa do 14 sati dnevno. Prekovremeni rad se ne plaća. Najviša je za- da 2.3. nedeljno, a imade ih koji dobivaju i letarske borbe!

po 2.1.10. nedeljno. Eksploatacija je tako ve- lika da se može sravniti sa uslovima rada kolo- nijalnih naroda u Kini, Indiji i Indoneziji.

Pobunjena raja je zaključila da sledećeg da- na kada se dodje na posao, da se stoji solidno na zakonitim uslovima rada. I ako bi fašista poslodavac otpustio kojeg radnika: "Nitko nesme ići raditi". Odluku je predložio član fašisti- kog kluba Tony Marinović. Koja je bila jednog- lasno usvojena, bez dopuna. Istog dana taj crni orao Marinović otišao je k svojem bratu Karasu koji je isto član fašističkog kluba u Sydney, i saopštio mu odluku pobunjenih robova.

Fašistička bratija se je savetovala tog dana i donila je odluku da se sutra dan otpočne ra- diti u 7 sati mjesto što se je počimalo raditi u 8 sati. Da, Marinović je bio u radnji već u 6 sati 23 minuta u jutro 7 oktobra. Svi ulizice su došli u radnju prije 7 sati. Tako da je bra- tija fašističkog kluba zatvorila vrata radnje u 7 sati. Pobunjeni robovi su počeli da dolaze u odredjeno radno vrijeme, ali su im vrata bi- la zatvorena. Svaki je dobio komad papira, ali novca nitko nije dobio.

Četvorica generala bez portfela koji su te- rorizirali neorganizovane radnike za vrijeme rada kod fašiste Karasa & Co. Ti crni gavrani su sledeći: F. Telenta, Perić, P. Serović i Tony Marinović, nema većih neprijatelja radne klase u ovom mjestu nego što su Karas & Co, sa svojim generalima. Ovo je cvet Jugoslavenskog Fašisti- čkog kluba, ovo je dika ex-konzulata Mikuličića i njegovog sekretara Pogačića. Pimp T. Marinović pokazao se je borbenim pred radnicima i podlo ih izdao, drugo se nemože ni očekivati od čla- nova fašističkog kluba, fašisti su bili i osta- ju štrajkolanci i biti će sve do tog doba dok ih ne smete revolucionarna metla.

Od danas oni koji nisu bili uvjereni u ulogu fašističkog kluba, jasnija im nemože biti. Ima zavedenih radnika koji su članovi istog, ako i dalje ostanu u taboru kontrarevolucije i štraj- kolomaca znači da su i oni istog kvaliteta. Ovo iznosimo samo da se radnici upoznaju u drugim mjestima i gradovima sa kakvim elementima se mo- rano boriti. Nekoliko puta se je pisalo u našem organu o OLOSU u Sydney, nekoji su radnici go- vorili da se je napadalo pojedine "ljude" bez govore sasvim drugo: "Vodeći članovi fašistič- kog kluba su bili napadnuti za anti-radnički rad policijski trik T. Marinovića i ostalog ološa po- tvrdjuje ispravan stav borbenih radnika".

Borbeni radnici preko radničke štampe iznose na javu rad fašista i njihovog ideologa Karasa. Karas je kako sam kaže bio vođa bandita veliko- srpske monarhije u gušenju radnog naroda u Ma- kedoniji, oficir produžuje sa svojim radom i u ovoj zemlji. Zaledja su mu Mikuličić, Pogačić i ostala ološ. Vi neorganizovani robovi, sada ste se mogli uvjeriti da je jedini spas radničke kla- se mora biti u redovima borbenih radnika. Organizovani u svoje klasne organizacije dati će te otp- or fašističkoj eksploataciji i njenim degeneri- ranim elementima Marinoviću, Telenti, Periću, Se- roviću i ostalim podlim puzavcima veliko-srpskih Karasa & Co! Dole sa fašistom Karasom & Co! Dole sa rovićima & Co! Živeo jedinstveni front klasne pro- Borbeni radnik.

DRUGOVI IZ BROKEN HILL-A ZA POMOĆ "BORBE"

Uredništvu "Borbe". Dragi drugovi!

Borbeni Jugoslavenski radnici u ovom mjestu su opet pokazali da znadu cijeniti ulogu svoje klasne štampe. Ne samo da borbeni radnici ovog mjesta redovno obračunavaju i šire naš borbeni list "Borbu", već oni također rade na tome da poboljšaju kvalitet našeg lista i unose njegov politički uticaj u masu Jugoslavenskog proletarijata Australije i New Zealandije. Tako i ovog puta mi smo ozbiljno postavili pitanje, da naš list bude tiskan na boljem papiru, da bude čitljiviji i da udovolji potrebama radničke klase u njenoj borbi za oslobođenje. Naša "Borba" je masovni organ Jugoslavenske borbene emigracije, naš vodič, koja nas vodi ispravnim putem u svakodnevnoj borbi kako protiv kapitalističkog poretka tako i protiv njegovih priprema svih boja.

"Borba" je naša i zavisi od nas borbenih radnika, na osnovi toga mi smo doneli odluku da provedemo jednu akciju medjurborbenom emigracijom ovog mjesta, da sakupimo dobrovoljnih doprinosa i da materijalno osiguramo redovno izlaženje našeg borbenog Vodiča. Odluka borbene grupe odmah je provedena u život i polučena je dobar rezultat. Sakupljena svota iznosi £.8.12.6. Drugovi koji su pošli oko sakupljati imali su dobar odziv borbenih radnika, koji su pozdravljali naš borbeni list i njegovu borbu protiv agenata Beogradske diktature Aleksandra poslednjeg i kapitalističkog poretka uopće.

Mi smo ovdje kao i radnici po cijeloj ovoj zemlji suočeni sa ponovnim snizavanjem mizernih radničkih nadnica. Kapitalistička racionalizacija provodi se na svakom koraku; baš ovih poslednjih dana, radnike se dnevno otpušta sa posla, a produkcija se povećava. Posao kojeg je prisiljena radnička klasa da dnevno obavlja siše iz njega poslednje kapljice njegovog znoja i krvi. Do kostih izrađeni i ostarjeli radnici se svakodnevno izbacuju iz rudnika, jer su postali nesposobni da svojom fizičkom snagom zadovolje u proizvodnji poslodavce i da stvaraju velike profite izrabljivačkoj klasi.

Medju masom radnika vlada veliko nezadovoljstvo. Ali kako je ovo mjesto gnijezdo socijal-fašizma i starih tradicija treć unionizma i na taj način "radnički vodič" reformističkih unijata i reakcionarne "Radničke Partije" uspijevaju još sa livim fraziranjem da drže radne mase koje se nisu oslobodile iluzija buržoaskog parlamentarizma i kapitalističke demokratije. Socijal-fašističko vodstvo još uspijeva da vrše izravnu sabotazu borbene manjine. Buržoaski agenti u redovima radničke klase manevršu na sve mile načine da odvlače radničku klasu od klasne burbe. Nastupanje kapitala na poslednje mizerne uslove rada i života radničke klase, snizavanje nadnica, provodjenje kapitalističke racionalizacije sa strane poslodavaca i fašističke vlade. Poslednje vrijeme se opaže skretanje u levo radničke klase. Radnička klasa je počela da okreće leđa kontrarevolucionarnom vodstvu socijal fašistima i stupa u borbene redove Komunističke Partije, i u ostale borbene radni-

ke organizacije. Svaki pokušaj borbe koji je bio predvođen po socijal-fašističkom vodstvu radnička klasa je bila izdata. Iskustvo izdajstva sa strane reakcionaraca otvara oči zaslepljenim masama radničke klase, koje su počele da revoltiraju protiv izdajničke ologe socijal fašista i reakcionarne "Labor Party".

Radnička klasa da bi uspešno vodila borbu u svojim vlastitim redovima mora da se politički potkuje, a to može postići samo sa čitanjem borbene radničke štampa. Jugoslavenski radnici u svojoj dominalnoj većini nepoznaju Engleskog jezika i uslijed toga se nemogu da koriste sa borbenom radničkom literaturom u ovoj zemlji na Engleskom jeziku. Zato je svakog radnika dužnost da redovno čita naš borbeni list "Borbu" da je šire medju masom Jugoslavenskih radnika i da je materijalno potpomaže. Radnička štampa ovisi samo od pomoći radničke klase. Po koliko smo mi borbeni radnici svjesni toga, naša nam proleterska dužnost nalaze da širimo našu štampu, da sakupljamo dobrovoljne doprinose, da omogućimo sa materijalne strane njenu borbu koja nas vodi i izgrađuje u klasnoj borbi za rušenje izrabljivanja i ugnjetavanja radnog naroda za uspostavu vlast radnika i seljaka.

Ova naša akcija neka posluži kao drugarski primjer borbenim radnicima Australije i New Zealande, da se zauzmu energično za širenje naše štampe i za sakupljanje dobrovoljnih doprinosa.

Primite naš drugarski pozdrav, za borbene drugove Broken Hill-a

Akciona borbena grupa.

"MOŠT UTISCI UO SAVEZU SOCIJALISTIČKIH SOVJETSKIH REPUBLIKA"

Sydney, 7 oktobra 1932. Članica Prvomajske Australijanske radničke delegacije Miss Taylor održala je predavanje 7 oktobra u Australian Hall, koja je bila dupkom puna.

Miss. Taylor u svojem dvo satnom predavanju detaljno se je dotakla cijelog niza pitanja iz gradnje novog socijalističkog društva. Ovo nje no predavanje je većim djelom bilo posvećeno pitanju učestvovanja nacionalnih manjina u izgradnji socijalizma i pravom kojim se one koriste u Savezu Socijalističkih Sovjetskih Republika. Tičući se tog rešavajućeg pitanja Miss. Taylor govori: "Kao pedagog izučavajući istoriju i pravo svih naroda, interesovala sam se sa ~~natiopadnim~~ pravom nacionalnih manjina u Carskoj Rusiji. Za nikoga nije tajno da su nacionalne manjine u Carskoj Rusiji bile najbrutalnije potištena a u mnogim mjestima bez specijalne dozvole nisu imale pravo da dolaze u grad. To pitanje me je vrlo mnogo interesovalo kada sam doputovala u SSSR. Posjetila sam sve naučne institucije i bila sam u njihovim republikama, gdje sam se na praktiki uvjerila da u SSSR. nema razlike izmedju nacija, sve nacije koje se nalaze u SSSR. a njih ima oko 130. posjeduju jednako pravo. Male Istočne nacije u kojima su žene bile dvostruki robovi za vrijeme Ruskog despotizma, koje su išle pokrivenog lica koje nisu znale čitati ni pisati, u Baku sam imala priliku da razgovaram sa trina djevojkan tih bivših potištenih nacija koje su avršile višu školu, koje su danas inženjeri. To je Sovjetska Vlast rešila nacionalno pitanje i dala slobodno pravo svim nacijama".

"MOJI UTISCI O SSSR" Produženje sa 5 St.

U daljnjem govoru Miss Taylor tumači po-
tanko sva prava sa kojima se koriste nacional-
ne manjine u SSSR. U zaključanje po tom pi-
tanju Miss Taylor kaže: "Sada je meni jasno
zašto Boljševici uspijevaju po svima linijama
Sada je meni jasno na osnovi čega se je mo-
gla da održi Sovjetska Vlast. Sada je meni
jasno da nema te sile koja bi mogla da povrat-
ti stari izrabljivački poredak u SSSR. Naci-
onalne manjine koje su bile potištena i obe-
spravljene posjeduju sada potpunu slobodu.
Oduševljenje svega radnoga naroda u izgrad-
nji novog bez klasnog društva u kojem prima-
nju učestvuju svi oni koji su bili ugnjetavani i
obespravljani, Sada su slobodni narodi. Nema
te sile koja ih može da pobijedi. Uspješno su
ispunili prvu petigodišnjicu u četiri godine
uspješno će da ispune i drugu petigodišnjicu.
Sovjetska Vlast je jedna na svijetu država
radnika i seljaka!" (Burni aplauz)

Sada svaki koji do sada još nije imao po-
trebitih dokaza može da se ubjedi iz govora
jedna učiteljice koja ne pripada nikakvim
političkim Partijama. Ona iznosi faktičke
stanje i kaže da je SSSR jedna jedina država
u kojoj cvate nauka, naobrazba u kojoj se sa-
mo rad poštuje. A u kapitalističkim državama
proizvodjači dobara za život ne predstavljaju
ništa, osudjeni su na gladnu smrt i bijedu.

Dole sa tiranima radnog naroda!
Živela svjetska Sovjetska Vlast!

Proleter.

JUGOSLAVIJA TRAŽI ZAJAM.

Pariz, Francuska - Ministar financija Ju-
goslavske vlade povratio se je praznih ru-
ku iz Francuske, jer mu nije uspelo da dabi-
je traženi zajam od pola milijarde Francus-
kih franaka. Dočim su Njemačke reperacije
(ratne oštete) bile osječene, to je teško po-
godilo Aleksandrovu kesu, on to pokušao na-
miriti zajmom od francuske, koja je ostala
gluha i nijema na molbu krvave diktature. Fi-
nancijska kriza je je tako duboko zapostrila
da je u panici financijske krize sadiistička
vlada odlučila da pošalje lično ministra fi-
nancija u Pariz, koji je imao nalog da pred
Francuskom vladom iznese bez izlaza kritič-
ki položaj u kojem se nalazi vojno-fašistič-
ka diktatura.

Ali Herriotova vlada nije obratila pažnje
na krokodilske suze ministra krvave diktatu-
re, da joj se dade zajam. Ona je pošla na su-
sret u drugom pravcu, proglašen je moratorij
na Jugoslavske dugove na godinu dana, koji
stupa u krepost 15 oktobra 1932. Financijska
i agrarna kriza je prisila krvavu diktaturu
da smanji na minimum uvoz nekih neobdanih
joj artikala. Ali troškovi ratne industrije
se svakog dana povećavaju. Krvava diktatura
izgradjuje nove tvornice municije, nove zra-
koplove, nove topove i hemičke plinove, sa
pomoću kojih guši ustanak radnih masa grada
i sela i pripremase u lancu ostalog imperi-
jalističkog svijeta za rat i intervenciju
protiv Sovjetske Rusije i pobjedonosne Crvene
Vojske u Kini. Dole sa ratom i intervencijom
Živela SSSR. otadžbina svjetskog proletarijata

Sljedeće knjige se nalaze na prodaju, Radnič-
ki Klubovi i čitatelji "Borbe" mogu naručiti
iste na dolje naznačenu adresu.

Knjige su sledeće: -
Zalovi života..... 7/-
Historija Ruske Kompartije..... 7/-
Karlo Marks Njegov Život i Nauka..... 5/3
Imperijalizam Od Pavloviča..... 5/3
Čar Ugalj Upton Sinclair..... 5/3
Teze i Rezolucije III Kon. Kom. Int. 3/9
Revolucija i Kontra-revolucija u
Njemačkoj u cirilici..... 3/6
Radnička Revolucija..... 3/-
Dječja Bolest Ljevičarstva u Komuniz-
mu od V.I.Lenina..... 2/9
Čuvaj se Senjske Ruke od A. Senoa... 2/-
Produkcija od A. Kostića..... 2/-
Crveni Kolendar za 1932 g. 3/-
Pariška Komuna 1871..... 1/-
Narodne Blagostanje..... 1/3
Vinarstvo "Klasna Borba" broj 17... 1/-
Pojačanje ratne opasnosti i zadaće
Komunista XI. Plenum EKKI..... 1/-
Pjesma o Poslednjem Kralju..... 1/-
Zahtevi besposlenih radnika..... 4 3.

Naručbe sa poštanskom novčanicom ili sa
bankovskim čekom šaljite na:
Joe Alagich, 241. Piper Street.,
Sth. Broken Hill. N.S.W.

IZGRADNJA VELIKIH PARKOVA.

Moskva, SSSR. - U R.S.F.S.R. (Ruska Socija-
listička Federativna Sovjetska Republika) dala
je iz svojeg budžeta 6,167.000 rubalja na iz-
gradnju Parkova i na sadjenje raznih drveća.
Parkovi će biti izgradjeni u sledećim gradovima
ma: Magnitogorsk, Celjabinisk, Nadžezenski, Sa-
mara, Satratov, Zlatousk i Podollsk. Veliki
Parkovi kulture i odmora će biti izgradjeni u
ovim gradovima ove godine.

NOVA TVORNIČA CUKRA U SIBIRIJI

Izgradjuje se velika tvornica cukra u Rub-
covskom rejonu, Zapadne Sibirijske. Tvornica će
otpočeti da proizvadjja cukar pri koncu ove god.

IZGRADNJA TVORNICE LOKOMOTIVA.

Verhnjiudinsk, Mongolija. - Plan je izrad-
jen za gradnju Tvornice Lokomotiva u Verhnji-
udinsk, Mongolija, koji će koštati 125 miliju-
na rubalja. Tvornica po planu će biti izgrad-
jena 1933 g. Tvornica će imati 24 odelenja:
godišnja proizvodnja lokomotiva će biti 1,080
teretnih vagona 12,000. i putničkih vagona
2,000.

IZGRADJEN JE VELIKI KANAL U KARELIJI

Moskva. - Nigozerski kanal koji sajinjuje
jezera Sandal i Nigo u Kareliji je gotov. Ka-
nal je dug 500 metatra i 22 metra širok, navi-
gacija je otvorena. Ovaj kanal će snabdevati
sa vodom Kondopoga hydro-eletričku stanicu.

DRUGOVI!

Mnoge organizacije, tako isto i poverenici
neobraćuju našeg borbenog lista. Drugovi mo-
gu da uzmu primjer drugova koji redovno obra-
ćunavaju. Uredništvo "Borbe".